



Sarajevo, 12.08.2025. godine

OBAVIJEST

Konkurencijskog vijeća Bosne i Hercegovine o davanju mišljenja za ispunjavanje uslova prijave koncentracija

U skladu sa članom 25. stav 1. tačka f) Zakona o konkurenciji Bosne i Hercegovine („Službeni glasnik BiH“, br. 48/05, 76/07 i 80/09), Konkurencijsko vijeće Bosne i Hercegovine ima ovlaštenje da daje stručna mišljenja u vezi s primjenom propisa o konkurenciji.

Mišljenja koja Vijeće daje odnose se na tumačenje zakonskih i podzakonskih akata iz oblasti konkurencije, kao i na opća načela primjene istih u praksi. Takva mišljenja imaju za cilj pružanje smjernica i podizanje pravne sigurnosti na tržištu.

Međutim, Vijeće ne može davati mišljenja o pojedinačnim konkretnim slučajevima, naročito kada je riječ o ocjeni zakonitosti konkretnih ugovora, sporazuma ili poslovnih odluka u postupcima koncentracija, odnosno kada se radi o okolnostima koje bi mogle biti predmet istražnog ili upravnog postupka pred Konkurencijskim vijećem.

Izuzetno, ako je određeno pitanje relevantno za vođenje postupka pred drugim organima ili institucijama, a odnosi se na primjenu pravila konkurencije, Konkurencijsko vijeće može dati stručno mišljenje. U tim slučajevima, Vijeće može zatražiti dodatna pojašnjenja i dokumentaciju od strane podnosioca zahtjeva ili nadležnog organa.

Vijeće smatra da je neophodno jasno definisati svrhu i sadržaj zahtjeva za mišljenje, kako bi se obezbijedila dosljedna primjena zakona i transparentnost u postupanju.

Postupak prijave koncentracije definisan je odredbama Zakona o konkurenciji Bosne i Hercegovine i Odlukom o načinu podnošenja prijave i kriterijima za ocjenu koncentracija gospodarskih subjekata («Službeni glasnik BiH» br. 34/10).

Za dodatne informacije ili podnošenje zahtjeva, možete se obratiti na:

Adresa: Dubrovačka 6/III 71000 Sarajevo

Email: info@bihkonk.gov.ba

Web: www.bihkonk.gov.ba